



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/
durch den gantzen Körper des Menschens/ von dem
Haupt biß auff die Füß**

Ryff, Walther Hermann

Straßburg, Anno M.DC.XIV.

Ob einer ein dunckel Gesicht hat.

urn:nbn:de:hbz:466:1-43769

So ein Mensch ein dunkel Gesicht hat.

Rosmarin safft/ gemischt mit Honig vñ in die dunklen Augen gethan/ macht sie klar vnd hell.

Menfobersafft vnd Schöllwurtzel wasser gemischt mit Honig/ ist fast gut den dunklen Augen/ darein gethan.

Schöllkrautsafft gesotten vnd geschäumt/ in die Augen geschrieben/ nimpt die dunkle darvon/ vnd machet sie klar.

Zwymbelsafft gemischt mit Honig/ vnd die dunklen Augen damit bestrichen/ machet sie hell vnd klar.

Fenchelsafft gemischt mit Honig/ vnd in die Augen gethan/ machet sie klar.

Gamander safft gemischt mit Honig/ vnd in die Augen gethan/ machet sie klar.

Mäntzen safft mit Honig temperiert/ vñ in die Augen gethan/ machet sie klar.

Süßfingerkraut in Wein gelegt/ in einem Rüpffel eingeschirt/ laß ein Nacht oder zwo stehen/ vnd legs in die Augen/ machet sie klar.

Numb Haselwurtz vnd Tutian/ vermischet mit Rosenwasser/ vnd legs vber/ benimpt die dunkelheit von den Augen.

So ein Mensch fällt oder flecken in den Augen hat.

Alaun zerlassen in Schöllkraut wasser/ vnd in die Augen gelegt/ benimpt die fällt.

Schöllwurtz safft mit Honig/ oder aber mit Salarmomac gemischt/ vnd in die Augen gelegt/ nimpt die fällt der Augen.

Gelb Violblumen/ den safft davon in die Augen gethan/ benimpt die fällt darin.

Item das Blut vnder dem rechten Flügel der Tauben/ in die Augen gethan/ nimpt die fällt.

Nim die wurtzel von Entian/ legs in Wasser/ darein